

Broj: 2778-9/17  
Sarajevo, 04.07.2017. godine

Na osnovu člana 69. stav 2. tačka d) i e) Zakona o javnim nabavkama („Sl. glasnik BiH“ broj 39/14), člana 70. Zakona o javnim nabavkama („Sl. glasnik BiH“, broj 39/14) na Preporuku Komisije za nabavku broj: 2778-7/17 od 03.07.2017. godine, u postupku javne nabavke **roba – Potrošni materijal i rezervni dijelovi za potrebe tehničkog održavanja**, direktor Javne ustanove Opća bolnica „Prim. dr. Abdulah Nakaš“ je donio

## **ODLUKU o poništenju postupka javne nabavke**

### **Član 1.**

Poništava se postupak javne nabavke roba – **Potrošni materijal i rezervni dijelovi za potrebe tehničkog održavanja** – tender 9/17 za sljedeće lotove:

1. LOT 1 - Građevinski materijal iz razloga **što je cijena jedine prihvatljive ponude znato veća od osiguranih sredstava za predmetnu nabavku,**
2. LOT 2 –Termoenergetski materijal iz razloga **što je cijena jedine prihvatljive ponude znato veća od osiguranih sredstava za predmetnu nabavku,**
3. LOT 3 – Elektro materijal iz razloga **što jedina primljena ponuda nije prihvatljiva**

### **Član 2.**

Ova odluka objavit će se na web-stranici Javne ustanove Opća bolnica „Prim. dr. Abdulah Nakaš“ [www.obs.ba](http://www.obs.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: **2778-2/17 od 11.05.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **120.000,00 KM.**

Obavještenje o nabavci broj: 1125-1-1-89-3-44/17, poslato je na objavljivanje dana **15.06.2017. godine**, a objavljeno je na Portalu javnih nabavki dana **15.06.2017. godine**, sažetak obavještenja o nabavci objavljen je u Sl. Glasniku BiH broj: **46/17 od 23.06.2017. godine.**

Komisija za nabavku, imenovana je Rješenjem broj: **2778-3/16 od 11.05.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **2778-6/16 od 03.07.2017. godine**, Preporuku o poništenju postupka nabavke za LOT-ove: 1, 2 i 3 broj: **2778-7/17 od 03.07.2017. godine** i Izvještaj o radu broj: **2778-8/17 od 04.07.2017. godine**, u postupku javne nabavke roba – **Potrošni materijal i rezervni dijelovi za potrebe tehničkog održavanja.**

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 2;
- da su blagovremeno zaprimljene 2 ponude;
- da nije bilo neblagovremeno zaprimljenih ponuda;
- **da ponude ponuđača SENIGOR d.o.o. Sarajevo i PAPILON d.o.o. Sarajevo nisu prihvatljive iz sljedećih razloga:**

**Ponuda ponuđača „PAPILON“ d.o.o. Sarajevo** nije prihvatljiva iz sljedećih razloga:

- u svojoj ponudi za LOT-ove 1, 2 i 3 nije dostavio Certifikat/Potvrdu/Izjavu kojom se može dokumentovati da je kvalitet robe usklađen sa europskim standardima koja je tražena u tački 4. Tehnička i profesionalna sposobnost – u smislu člana 48-51. Zakona na strani 13. tenderske dokumentacije, te se njegove ponude za navedene LOT-ove odbacuju u skladu sa članom 69. stav (2) tačka d) Zakona. Takođe, navedeni ponuđač u svojim ponudama za LOT-ove 1,2 i 3 je ponudio cijenu koja je znatno veća od osiguranih sredstava za predmetnu nabavku za navedene LOT-ove, te se njegove ponude odbacuju u skladu sa članom 69. stav (2) tačka e) Zakona.



**Ponuda ponuđača „SENIGOR“ d.o.o. Sarajevo** nije prihvatljiva iz sljedećih razloga:

- u svojim ponudama za LOT-ove 1 i 2 je ponudio znatno veće cijene od osiguranih sredstava za predmetnu nabavku, te se njegove ponude za navedene LOT-ove odbacuju u skladu sa članom 69. stav (2) tačka e) Zakona.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da za LOT 1, LOT 2 i LOT 3 **ponuda ponuđača „PAPILON“ d.o.o. Sarajevo nije prihvatljiva jer ne ispunjava formalno-pravne uslove i cijene ponude su znatno veće od osiguranih sredstava za predmetnu nabavku**, čime su se stekli zakonski uslovi za poništavanje postupka javne nabavke.

U postupku predmetne nabavke nesumnjivo je utvrđeno da su za LOT 1 i LOT 2 **cijene jedine prihvatljive ponude znatno veće od osiguranih sredstava za predmetnu nabavku (ponuđač „SENIGOR“ d.o.o. Sarajevo)**, čime su se stekli zakonski uslovi za poništavanje postupka javne nabavke.

#### **- Informacije o E-aukciji:**

Ugovorni organ je u tenderskoj dokumentaciji predvidio provođenje E-aukcije. Nakon prijema i evaluacije ponuda konstatovano je da su ponudu za LOT 1 i LOT 2 dostavila 2 (dva) ponuđača i to jedan kvalifikovan i jedan nekvalifikovan.

Obzirom da se E-aukcija ne može zakazati sa jedinim ponuđačem koji je kvalifikovan, to je Komisija predložila poništenje postupka nabavke jer su cijene kvalifikovane ponude znatno veće od osiguranih sredstava za predmetnu nabavku.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

Iz navedenih razloga, primjenom člana 69. stav 2. tačka d) i e) Zakona o javnim nabavkama, odlučeno je kao u članu 1. ove odluke.

## POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMILA:  
Amira Petrović, BA općeg prava  
Referent za pravne poslove

*AP*

KONTROLISALA:  
Sadeta Hrustemović, dipl. jur.  
Kordinator za javne nabavke

*S*

*Sadeta*



### Dostaviti:

- Ponuđaču: „SENIGOR“ d.o.o. Sarajevo
- Ponuđaču: „PAPILON“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.